

لأن النبي كرمه، وبيده الشريفة أكله وشربه، وأمر الناس برحمته والعطف عليه فباتت محبة الحمار سنة، ومن يحرص عليها أكمل دينه ومثواه إن شاء الله في الجنة.

وانبرى أحد الحضور أنعم به حمار عاش في معية الأنبياء، ولر يؤذيه إلا الأسافل والأغبياء، والإحسان إليه من تمام الدين، وهل هذا الفضل بعده فضل يا مستمعين أصدقكم القول لولا تهكم الأشرار، لتمنيت أن أكون حمار. فضحك الحضور، وانصرفوا جميعاً متصافحين دون حقد أو غرور. وللحديث بقية في ليالي رمضان الهنية.



بين الفكر والواقع

لر يكن في مقدور جحا إلا الوفاء بالعهد والصدق في الوعد وإكمال ما بدأه في تقر يظ صديقه الحمار، وذلك لرد اعتباره وتبرئته من صفات الغباء والإهمال والحمق والكسل وغير ذلك من خصال مذمومة أطلقها البشر على أراذلهم، وزجوا باسمه الكريم في موضوعات لا تليق ومنها الصدر يضيق. ومن ثم كان من الضروري على جحا إبراز مناقبه وإحصاء فضائله على أصحاب المنابر والأقلام من النوابه والنوابغ والأعلام، فقد عقد جلسات أربعة حول مكانة أبو الصابرين في كتابات أرباب السير عن الأنبياء والمصلحين ورجال الدين - في شهر رمضان الماضي -، وأشار في تزييله للجلسة الأخيرة على اعتزامه عقد أربع جلسات أخرى عن مكانة الحمار في عيون المثقفين والحكماء والفلاسفة وأكابر الأxiار.

واعتلى كعاداته المنصة الرئيسية في القاعة التي خصصها لمناقشة هذه القضية، فراح يستعرض نص الدعوات التي أرسلها لشبيبة المجتهدين وأساتذة الجامعات والمشاهير من الصحفيين ورواد الصالونات المحترمين، وذلك ليتأكد من موعد الانعقاد وإعداد الحضور الذين استجابوا للدعوة للمشاركة بالبحوث وطرح النظريات وبسط المعارف وإلقاء الدروس، فاجتهد في تنظيمهم وأخطرهم بالبرنامج قبل حضورهم وخصص الجلسة الأولى للحديث عن صورة الحمار في عيون المثقفين والنقاد الساخرين.

وفي اليوم التالي افتتح الجلسات للثناء والترحاب لكل من كلف نفسه عناء الحضور للمشاركة في الحوار ونقل الأخبار.

أحد المثقفين ويدعى أبو سريع: إيه يا عم جحا عامل مؤتمر عن الحمار؟ دفعوا لك كام علشان تسلينا وتغيب عقولنا وتلهينا وتقول كان ياما كان، بدل نيلي وشريهان، في أمسيات رمضان؟. بأة يا راجل يا مهبول سايب قضية ارتفاع الأسعار، وأزمة الدولار، ومجازر داعش والإرهابيين وقتل إخواننا المسيحيين ومشاكل الحدود ورقص ترامب مع العرب وآل سعود. بزمتك أنت حكيم ولا بهلول ولا هي مَكلمة وحفلة سحور ووحوي يا وحوي والفوانيس حوالينا تدور؟

جحا: بسم الله الخبير بنوايا الأخيار والأشرار، والمتكلمين والساخطين والعارفين بأداب الحوار، والراغبين في إلقاء التهم بالباطل وقذف الناس بالأحجار؛ اسمع يا أبو سريع موضوع الندوة معروف، والدعوة للمثقفين الراغبين في الطرح والمناقشة فيها النقط على الحروف، وده بعيد عن أمور

المليطة والخنكشة، والتهيج والدردشة، والتشكيك والبأششة، والدرس والرص ولبس الطوائى والطرح المندششة.

مش عاجبك الحمار!! عنوان الحقيقة وشمس كل نهار، أيوة صاحبي وكل اللي هنا عارفين وفي أقل منه كثير في الجامعات والوزارات على المكاتب قاعدين، وتحت بدلهم مستخبين، وياما مجد توهم وعظمتوهم وهما من الضالين. طب قول يا أبو العريف تعرف إيه عن حرب الكبار واقتصاد السوق ولعبة البورصة وإهمال زراعة القطن والقمح والتوسع في دحرجة البطيخ ونقاوة الخيار؟

قول يا أبو سريع وراجع الخطب والشعارات (بوش، كلينتون، أوباما، ترامب) كلهم قالوا بنحارب الإرهاب من العراق لسوريا لليبيا لليمن للسودان، ورص ياريس سرحان الأطباق على السوفرة للبهوات، وإحنا بنتاكل وبندفع الدولارات، وعيالنا بتدبح كباب وكفتة وطرب ده غير النبيت الأحمر والمذات، والجرسونات أرايب والضرب تحت الحزام، وفي المؤتمرات حبايب بيترصوا تحت الأعلام، فهمت يا صاحبي الكلام؟ هما مش قالوا إن أكل لحم البشر حرام؟ دول بأة حللوه، والحمار اللي مش عاجبك دبحوه وسلخوه، وخذوا جلده وباعوه، وعملوا لحمه كفتة وحواشي وعيالنا من الجوع كلوه هضموه. فهمت يا أبو سريع إن شعار الأيام الحماية التطبيع واللي مايسمعش الكلام هيضيع واللي ناوي يحارب الفساد أحسن له يجيب شريط بلاييع، وخليك في المسلسلات والتصريحات المشطشة والفتاوى المزروطة والمعلومات المخبطة وقفلي على كل المواضيع.

انت بتعيب في الحمار عم كل الشغيلة وعازيني أكلم عن البطالة وشبابنا

اللي بينعي حظه وشايل على كتافه ميت ألف نيلة! بتقول مبيشتغلوش، ومتعلموش، والكل يلعب عليهم وميفهموش، وببسمعوا كلام الحنجية واللي ما يساوش، وببغنوا (أديك في الجركن تركن وآه لو لعبت يا زهر وعملت نفسي نائمة ومشينا الكفار وبوظنا الحفلة النار)، ومبيكسفوش ما هما اللي نسيوا الكد والشأة وعايزنها براحة، وكله على الفيس بوك ماشي حتى كلام الأباحة، وعايزين يكلوا ديليفري وماما تجيب الملائحة، والكل في الشارع حلنجي ولا أدب ولا حيا ولا خشى وحتى بناتنا بقت صابغة ورداحة.

اسمع يا أبوسريع إياك تسأل الجهلة عن القيم والأصول، وتبأة عبيط لو قولت انت عيب وحرمت المحمول، وأفلت اليوتيوب ورجعت لحواديت الشاطر حسن وست الحسن اللي حبسها الغول. اللي فتحتة مش هاتقدر تقفله، بس المايل بشطارتك ممكن تعدله، واللي يتربى على صحيح الأفكار، هيعرف يحمي نفسه من الأخطار، مهو التكرار علم صديقنا اللي بنحتفل بيه الإخلاص في العمل والفصل بين الجد والرفس والهزار.

بتتهكم على الحمار! الطيب الصريح، اللي عمره في يوم ما كذب، ولا ارتشى، ولا تاجر في أعضاء أخوه، ولا اتنكر لأمه ولا خان أبوه، ولا باع الحكمة في علة من ذهب ولما فتحناها لقيناها صفيح!. وتعاليك عليه هيزعله ويزود شعوره تجريح، من فضلك خلي نقدك موضوعي وابعد عن التسطيح. والكلام بيقى براحة، مش بالتهليل والصريخ، ودلوقت أستاذن الحضور، لتهدئة الأمور، في نص ساعة استراحة.